


道咸同光四朝詩史甲集

陳衍署檢

PL
2306
.S8
v.5




Digitized by the Internet Archive
in 2009 with funding from
Ontario Council of University Libraries

YORK UNIVERSITY

MAY 15 2001

EAST ASIAN STUDIES



王鐵珊字伯唐安徽英山人光緒己丑進士官兵部主

事庚子殉難奉

旨照員外郎

賜卹

詩文未刊以各詩均見

殉難遺墨

庚子六月寄族伯忠修書云聯軍必至非驕將亂民所能敵都城如陷誓以身殉

和易哭盦

順鼎韻四首



匹馬長城見窟泉上都宮闕夕烽邊穹窿遠下

諸陵拜

轉戰誰容一劍前不有艱危多難日豈看社稷中興年風塵逆旅鳶肩客回首關門已茫然

才名海內更無兄汗漫當年謁太清間道舊悲經喪亂新亭還見泣公卿黃塵夕警甘泉火白帽雲屯左輔兵倉卒東山安石去可令回首計蒼生

鐵硯冰鎔泛墨花南山夜雨走雷車深憐范老匈盈甲盡道溫生手慣叉鹿野呦呦春喚侶魚歌浩浩客無家懸知

衡岳雲開處一葉輕舟渡赤沙

怨別傷離真謂何故應懽喜葬江波死爲恨鬼魂猶厲命
有中年壽已多尙恐雷霆收震怒苦因冠帶戀委它來生
莫討英雄淚可笑荆卿變徵歌

第二聯竟成詩讖聲音之道微矣師鄭注

和檠陽四丈雜感詩十二章

佛說虛空四大洲掌輪一擲幾勾留祇今勃海全遼水猶
護陶唐古冀州馬去本非亡虢意龍輸慣託撫夸謀無人
肯作包胥哭差減秦庭荐食憂

萬里降旛組鄭經雷霆六月又南溟野毗咒鴨遊魂盡與
鬼藏尸伏氣腥豈謂禺彊定仙聖不成倉葛嚮朝廷輸他
海上成連子尙見波斯幾大星

百州烽火照山東功業汾陽日再中敢道冀門局鑰喪都

緣房尉戰車窮一拳鑿空眞機石五檠刪詩必小戎多謝
由余嘲使鬼化人城闕本天工

土風燕趙慣悲歌南市樓臺數廣和十日大酺頻際會兩
都舊賦苦研磨金牛雪塞朝窺牧石馬天池夜涉波見說
蒿宮親撤樂簡兮賢者意如何

撒手扶餘萬馬迴漢兵歌嘯走飛灰可應幕北誅蘇建終
見川西賞妙才九廟神靈園寢固百州琛貢簡書來重喬
介駟君休問渝水孤軍事亦哀

海東關白本無名沈石天教拔漢旌浪語似聞陶李子大
星更落武昌城蒼黃榆莢飛春雨赤白花園築帝京稽首
湘川老漁父刺船須我踏莎行

天上羣仙紫玉衫芥山晝納石巖巖晉家族闕無敦應毫

社衣冠盡陟咸怪犬穴潛知牧貴靈蛇池報爲恩銜岱輿
北極重浮出清淺蓬萊急舉帆

鵠首齋秦夜醉天車鄰閭伏趙高權一從白虎禳涇崇無
復黃虵燎時煙甘露旂旛唐殿閱東風燭炬漢宮傳瓊山
萬古西王母亦有青禽信任堅

憂天一淚直滂沱寂寂中原獨枕戈恣眎重溟故如此試
開函谷敢誰何陶輸世界歸高掌霓舞靈仙醉大羅萬里
身行但有哭商山莫唱紫芝歌

不辭腥魄葬龍虵諫草朝天慘不諱九死若無安御史干
秋止數賈長沙風酸野戍催蘆酒月下觚棱影翠華誰比
關東游俠士棧車塞夜密周遮

回首南天嚮北辰家山錯擲買臣薪生涯自笑隨兵卒償

債何應倚俸緡大角妖纏危紫極靈囊密括固黃珍王風
盡唱揚之水可憶嵩高降甫申

武陵源水浪花肥故撇漁簑護袞衣梁甫吟成竟何許長
安笑向已知非芝雲絕壑留三秀芋火枯禪問四依肯放
牆東容飢地共君萊舞答春暉

寄櫟陽年丈

葉葉羅雲結翠帷梵天花雨照秋暉登高悔是重陽日千
里燕山一雁飛
牆東吏隱黃花主章奏通明又一秋天意由來愛芳草萬
紅飛盡獨遨頭

附錄伯唐臨終遺筆數則

王師退楊村矣此意中事雖然鐵珊忍見外兵之入此

中哉今日主憂臣辱實不可再活迴望白雲寸心愧
痛如鐵珊者無用之人不才之子何多活爲

有身有我我能知我非身也於是乎能推墮此身生殺
在我是爲身弱我强大權在我千古不失也此乃是眞
我否則我焉能管身佛云無我相非徒無相也聖人乃
無我超然遠矣作無相觀相者身也去身而不能去我
猶之滓也烏乎太虛空空此身未生時何處是我耶

鐵珊棄母不養十餘年乃千古第一不孝之人今乃自
伏不孝之罪故自殺非爲效忠也此適直其時恐人誤

曰忠故辨之

又云悲哉痛哉天下雖弱尙未至卽滅也
今日無故構怨各外邦其連衡合從以來

勢所必至非一驕將及烏合之徒所能禦也乙未之和
和太急今日戰太急土崩瓦解矣我不孝之魂尙必飛

依母
側也

何彥昇字秋輦江蘇江陰人光緒己丑副貢現官甘肅

新疆巡撫

悔餘先生栻之令子恢張家學歷使歐洲諸國歸後宦遊燕齊治行經濟有聲於時

擢撫天山勛業浸顯收藏宋元版本極富詩筆新穎雅健卓然成家

題子瀟先生雙紅豆圖遺照

惠家父子雙紅豆吳下文遊說盛時不獨豔夸蒙叟集長
眞綺語係人思

曾拾炎荒火齊珠離離早向珎中儲

往歲奉使古巴曾得二枚

恨無改

氏傳神筆重寫簪花第二圖

日本領事水野幸吉以詩冊索題

環球兩度使槎旋贈縞三山舊雨聯江夏襍詩今斷取東
方君子國多賢

一角之采抹翠微漁人信宿久忘機驀然昨夜東風急囑

付羣鷗莫浪飛

客裏高軒屢見過衙齋纓絡罽藤蘿春深豔說櫻花事萬
紫千紅絢墨沱

璵言 錄二百首之八

九州千禩百名王天下官家法舜湯此獨征誅兼揖讓武
功文德一人當

共主威棱孰與儔中原文獻溯從頭空前絕後徵同志吳
越錢王十四州

河山手奠如磐石華表崔巍報爾功萬國貞珉攜寶篆談
瀛駢敘紀徐公

墓門杉檜鬱青葱窈窕石圖鷹敞閤宮密瑟江濱三畝宅茅

茨樸桷葛燈籠

紀華盛頓

絕島微茫海四周
檣弧如鯢復如鉤
萬家平屋常籠霧
終歲炎威不識秋

述夏灣納

金嗅狼臙徵夜市
釜烹羊腍驗天明
夏如長晝冬長夜
人近坤輿北極行

述森彼德堡

鏖旂南北兩雄分
成敗悠悠歷舊聞
折戟未銷遺壘在
至今人憶李將軍

白石飛仙泣戰場
銅人滴淚共蒼涼
十年萬骨叢京觀
省識佳兵至不祥

紀南北花旗戰事

題李叔士柳波春艇圖

之子耽雲水
翛然一葉航
蠹糧儲海岳
鷗夢狎雷塘
芳草頻拳杜
垂條舊姓楊
丹青老將至
棖觸少年場

慣作諸侯客
江南復嶺南
飽嘗三百荔
回味一雙柑
畫槩

凌虛白空波拓蔚藍悠悠懷此別餘意感深潭

畫槩聯改
鴻爪痕猶

贅龍眠
技獨諳

王乃徵字蘋珊四川中江人光緒庚寅翰林由編修厯

官湖北布政使有蘋珊詩鈔

現又調河南布政使
蘋珊前輩在諫垣甚著

直聲出守贛州曾習經贈詩有匡牀
諫草留殘篋歸路荷花感聖恩之句

落葉

秋臧三山奈別何流光激箭下庭柯
金仙掌畔荒荒影玉女池邊瑟瑟波
此日韶華隨水逝舊時庭院得春多
嬌姿一種芳菲色不信冰霜意有頗

亭亭珠樹植名園黃蝶西風又幾翻
濃翠自迎朝旭彩清鐘忽墮曉霜痕
一庭衰草爭憐影百尺寒枝不庇根
吹到師涓商調急玉階淒怨向誰論

白拂荆塵判玉條雪埋冰沍幾經朝
歌翻獨漉傷泥濁曲寫哀蟬感翠凋
銅輦再過秋似夢碧溝一曲怨難銷
白楊

路斷鵑聲急誰向荒郊慰寂寥

依舊空庭碧蘚滋淒清日色冷燕支重來金谷飄煙地又
到銀瓶合凍時南雁叫羣千里斷夜烏嘯夢一秋悲長空
願止回風舞爲惜飄零最後枝

程秉釗字蒲孫安徽績谿人光緒庚寅翰林有瓊州雜

事詩

著述甚富惜歿後多未刊行未應散館試以庶吉士終

瓊州雜事詩

原係百首今錄二十二首

儋珠名始漢元封象郡曾看列附庸六數分明徵水德羸秦遺俗至今從

窮兵極武漫相咍鞭撻方能御四夷一罷珠崖成底事平生不信賈捐之

衛國行師振槁如八州歸附奉車書乾封都督真無賴奇甸沈霾百載餘

大中初政快恩讐王氣中原日漸收若祇尋常悲謫宦千秋何止李崖州

阿婆風雅解行歌黎許朝朝載酒過自有端明蘇學士海

南人物讀書多

畏威何似感恩多萬古馨香兩伏波誰與披榛通五指衣
冠重覩漢山河

戈操同室亦堪哀疑獄誰稽託卜來卻笑龍潛憂患日尙
希高價待青梅

絕代紅顏苦捍疆能拚一死植綱常野棠落盡春風改遺
蛻誰尋蔡九孃

雲露巍巍百丈餘三潭靈氣澤枯臞北來過客休相訝奇
石天生橄欖珠

七洲洋中波浪深鋪前港口檣如林一從互市集重譯天
險茫茫空古今

儋耳城西有相泉乳泉坡井亦清漣前蘇後趙來非偶天

爲炎荒謫兩賢

聞道神龜有六眸明珠大貝比琳璆爭如石并能占雨不
向重溟阻客舟

太沖辭賦壯山川鄉貢宜徵八繭絲從古蠶桑屬吳越珠
崖曾置赤烏年

寥落孤忠付夕暉臣心戀闕尙依依如今瘴海頻來往不
用雲端羨鳥飛

窮海熬波本自資何須重疊設官司 聖朝恩德除加派
莫忘乾隆全盛時

寸絲尺縷皆民力廣幅如何亟擾民覆轍古今原一例漫
言人不識尊親

能涉波濤仗一誠王丞風義足平生素車白馬情無極突

過當年范巨卿

天水淒涼勢莫支
壺漿箠食盡迎師
趙張一死存瓊島
撐住河山破碎時

未能戰守豈能和
欲振頽風奈弱何
讀到李胡危切語
宋家青史淚痕多

憔悴孤臣蹈海情
鬻書心事負平生
酒闌一掬滄桑淚
同志應偕鐵仲名

溼雲如墨霧重重
卻疾先宜制毒龍
自有檳榔供薄酒
如何偏嗜阿芙蓉

大海西流近越裳
黍油麥秀事堪傷
唇亡自是驚心語
說與馮夷也斷腸

徐兆璋字倚虹號少葵江蘇昭文人光緒庚寅翰林現

官編修有虹隱樓詩稿及棣秋館詩詞

倚虹前輩詩學甚深博雅

溫純不炫時譽與余交契逾二十年無論久別與常聚相見必大歡悅前輩每於酒酣耳熱或自誦所作或詠李杜名篇擊節高歌以寫愁憤平居溫溫如處子絕無矜張之態公瑾醅交於今再見有鐵琴銅劍樓藏書歌烏日春遊曲書轟天雷平話後諸詩均為傳作已錄入詩話

招燕詞

四首 後二首 係後招燕詞

近市盤蝸得所求風簾月幌小於舟滅炊未肯因人熱避俗何妨與我謀一桁秋心憐寂寞數行泥爪暫勾留曉巢北向矜千歲為問人民似舊不

舊雨何人欸竹扉蘋洲煙暖故飛飛最憐白首雙棲穩甘逐烏衣萬里歸秋室清樽先餞別春明幻夢久忘機酒闌珍重明年約虹隱樓頭倚夕暉

新巢補綴屢生暝瘡口銜泥寄此身牖戶綢繆須及早棟
梁支拄敢辭辛重來莫更依王謝小住何須問主賓笑我
青瑣猶故物松陰日醉甕頭春去歲二月遣
肱篋故云
倦翼翩飛日幾回疎簾欲下又徘徊粉榆秋社攜雛去芹
苻春塘約伴來盡室傍人甘附和頻年易主費疑猜編茆
吾欲吟招隱期爾荒江翦草萊

液池

液池龍氣鬱蒼涼早晚金輿渡石梁虎豹森嚴天咫尺蓬
萊縹緲海中央可憐前席虛宣室誰遣宮車出上陽舊日
高寒南內月清宵猶戀水雲鄉

絳雲雜事詩卽書日本擁書城所印初學集有學集

後

壇坫尸盟五十年禁書海外尙流傳
臨終淒斷南雷叟代草元文抵債錢

歸休應悔賣盧龍青史何曾借蔡邕
南部黨魁矜一死輸他紅粉轉從容

名山一席更貽誰頭白揚雄悔莫追
野史亭中遺燼在詞人憑弔有餘悲

姚冶新聲賦竹枝美人香草寄相思
如何紅豆題襟集却少陶菴倡和詩

龍鳥隨人任紀官袖中詩本味辛酸
鵲心蠶尾難同調留俟千秋冷眼看

力詆空同異議多正錢一錄肆譏訶
青蒼拂水巖終古墨縱能磨石不磨

柳宿光中替一星修眉日對遠山青點妝巾帽更新樣猶
誦唐宮鏡背銘

詩徵畫志采靡蕪曾覩鍼神絕技無不是勸忠偏教孝拈
絲欲繡幾踟躕

秀翰香閨鬪逸姿月隄煙柳畫中詩停撓獨問平橋肆倘
遇嬋娟絕妙辭

荊棘銅駝故國哀淒涼文藻泣秋槐天留此樹婆娑在鬼
唱荒江弔鶴來

題師鄭銓部詩史閣圖

億丈光芒在千春竹素俱煙霞留畫苑墨翰挾天衢文選
樓全圯詩徵閣已蕪林巒仍六代著作自三吳總匯虞山
纂專家秀野區元明哀鉅製唐宋辨分途河嶽精靈萃輶

軒德化敷長洲裁偽體青浦正旁趨鼓吹聲相應風騷道

未孤羣賢供月旦萬帙足清娛洵有三長擅而於六義符

叢談甄舊獻紀事踵前模源倒迴瀾障輪頽隻手扶四朝

編韻史七子會璇樞

近選同光
七子詩

鈔撰窮宵半搜羅到嶺隅

華章舒纂組幽響出孤蘆方召賡周雅卿雲覽漢都聞樨

參梵諦賦絮譽閨姝族望王先謝英髦駱後盧序評兼攷

索去取幾踟躕雁信隨軺轂魚緘滿舳艫羽陵披蠹簡滄

澥覓遺珠鉛槧終朝握衣冠人夢無平衡同校試陰澤比

埋枯影寫毫常禿狂哦尾畢逋一斑窺管豹廿載憶蓴鱸

偈歲來京國從君醉市酤倚寒吟翠袖照室向紅鑪接軫

延今雨題襟愧故吾曲高推郢唱才薄謚齊竽痛哭時多

難哀歌日下晡繁霜淒白奈凍旭慟蒼梧泰運初爻轉陽

和衆葉蘇纓裾尊祭酒黼黻稱師儒朱碧傳看異丹黃品
藻殊寸心惟欲愜尺度豈能拘稠疊書連屋完殘卷幾厨
沈沈儲廣厦永永詔門徒陳起江湖集張爲主客圖等身
資覆瓿百輩陋操觚救虎名猶綴邑人陳子準揆嘗藏鄉賢著述於破山寺救虎閣其書目潘文勤師刊人傍喜齋叢書書久散佚不可問矣盟鷗志不渝此間通宛委
何地著屠沽鵬蟀流年換蟲雕短晷徂輞川容結構石谷
善臨摹篁館求鸞友松寮寄鶴軀仙岑雖縹緲人海亦須
臾解字康成婢知音穎士奴優游資養福點勘更忘劬倘
遂歸田樂重勞折簡呼展箋尋爪印飛雪上髭鬚

蔣廷黻字稚鶴號盟廬浙江海甯人光緒庚寅進士現
官吏部郎中記名御史有隨扈紀行詩存

澠池宿古函谷關也

天險那能踰寸步羊腸一綫路中開棄繻關吏猶能識除
是雞鳴上客來

殺函三帥盡俘囚二百餘年不解仇太息武夫無遠見一
朝倖勝豈良謀

六國叩關齊敗北沛公改道自金商

漢祖入咸陽由武關今商州地重瞳

畢竟兵鋒銳祗席平行灞水旁

以漢兵之守關項氏攻之勢如破竹入關以後無險

可扼長驅直入不待留侯早知楚漢之不敌矣

跨牛柱史出函關西去流沙竟不還道德千言誰解得虛

教望氣識芝顏

澠池城西有楚趙會盟處石碣

負荆上將交驩後擊缶驕王奪氣餘今日黃龍換清酒不知誰是藺相如

閔鄉縣漢湖縣也感賦吳太子事

孰云燕趙多奇士巫蠱沈寃自此興子弄父兵笞已足高臺空築忍重登

巢覆詎留完卵在黃衣乘駟迹離奇漢廷博士知多少經術誰如雋不疑

吳園薊贖罪差同漢代曾無封號崇卻怪曾孫知稼穡刑餘偏許作三公

白頭老父最神明骨肉知難人力爭草莽片言回主意盈廷慙媿漢公卿

閩底鎮遇雨次早過盤頭至閩鄉宿

黃流沿岸策征騏太息年來事事非卻憶尙書邊習句霏微林雨忽沾衣

自汜水至滎陽

四十里

丑父倖生逢卻克紀侯受戮遇重瞳輕將烈士充菹醢大度終須讓沛公

項氏逞殘烹紀信本初失計殺臧洪不知人世網常重毋怪當年覆轍同

出滎陽東門望廣武山

目無典午嵇中散口不雌黃阮步兵矯矯人龍難擾畜笑他豎子枉成名

重九吹臺登高

大河日夜水流東千古興亡在眼中
踏徧吹臺秋草綠夕陽影裏數歸鴻

謁二會祠

聯翩棣萼冠三台廟貌尊崇傍水隈
衡嶽菁英還似舊可能重降甫申來

隨孫壽州相國恭迎聖駕至汴

灑道清塵萬騎從願將祝壽效華封
壚香芬郁天風細堯母輿前瑞靄濃

五色旌旄夾道開紫微朗曜照三台
天顏有喜臣能識新報豐年上瑞來

關榕祚字六生廣西臨桂人光緒庚寅翰林散館改官吏部主事

現官江西廣信府知府有含美書屋詩存

悲秋四首 錄三

明媚春華轉瞬過悲秋客感奈愁何南歸旅燕驚魂迫北
去冥鴻飲恨多信有真仙居閬院難將妙法証維摩棘門
灞上皆兒戲漫詡神兵肅鶴鵲

浩劫無庸說五羊談天畢竟屬荒唐臺城誦佛終何補貌
國聽神亦可傷也識民心懷舊德應修人事答穹蒼遙傳
蜀道郎當甚老淚潛潛忍北望

漢家計拙在和親名論曾聞五利陳夷甫清談原誤國荆
公剛愎豈良臣五胡亂晉誰遺禍衆鬼謀曹信有因行徧
九街腥氣簇不教章服染淄塵

靈寶道中早行

曉漏催行客前途望欲迷山多嫌地狹雲暗覺天低野獸
投荒疾征鴻逐隊齊函關容易度不必效鳴鷄

由衛輝至東昌途中作

地氣白如水天光黃若塵曉霜欺旅客風樹逐歸人道遠
車偏笨途窮僕更親伶俜過魯衛回首望三秦

贈許孝升同年

治亂若循環禍福本相倚聖哲防未然庸夫任波靡自從
海禁開閱時過五紀漏卮不解塞法網日益弛傾心祀祇
神恣情養驕子民怨積不伸天怒安可已巍巍末由達泄
泄若同揆黃鐘棄弁髦神鳥棲棘枳不念股肱力翻存秦
越視行誼戒潔白論說紊朱紫釀禍匪朝夕洩恨出奇詭

薦紳遭毒害閭閻受瘡痍當車奮螳臂任重效驢技橫挑
強寇怒巢覆卵亦毀郎當甚聞鈴弊壞如棄屣遺誤由權
奸婦孺咸切齒似墮干仞谷蹉跌難再起頗聞嘗膽憂還
恐食肉鄙孝升足智謀繁繁吾所企樹立在得時商量每
移晷駕駘力雖薄尚可酬知己一息苟長存期與雪此恥
嚴鳧薌同年由日本差旋奉贈

君自蓬瀛來飄然帶仙氣海波四十更憑虛咫尺旣曠覽
極幽微採擷微品彙同種固膠漆殊塗別涇渭語我海國
奇醴醑有真味彼人近特起思之生敬畏取善哀衆長用
世斯爲貴

和俞恪士觀答登鬱孤臺元韻

拾級同躋百尺臺蒼蒼觸目使心哀江風捲地濤初起暝

色迷天雨欲來望裡觚棱瞻北極座中仙侶擬蓬萊

坡詩絳宮

明處是蓬萊

仲宣漫賦登樓感五利方資濟變才

又和登八境臺

層臺高築俯江流小集簪裾爲暫留地接崆峒山入畫波
搖章貢水明樓城頭鼓角驚羣夢天際煙雲幻九秋猶有
殘棋堪著子未應拚棄一枰楸

余得次孫郭少萊同年袖詩以賀賦答

思子臺空望已虛眼看孝婦更愁余孫枝幸茁祥先兆祖
德留遺慶有餘敢誦小同綿舊學聊因公雅置羣書他年
鬢角分甘候爲誦琳琅氣倍舒

繆萼聯字少初江蘇常熟人諸生官河南伊陽縣知縣
有伊山詩鈔

伊陽卸篆移家汝州感賦六首

萬間空有願三徑苦無貲萍迹飄何處瓜時代及期意行
休問卜肱折漫誇醫覓得安巢所依樓揀一枝

美擇仁爲里安求德有隣微嫌在都市暫喜出風塵宦久
翻成拙裝輕不諱貧一廛如可受從此作州民

容膝三間足隨身八口偕欲歸還未得且住亦爲佳秀挹

嵩山麓清分汝水涯美名誰所錫豔說翠華街

州城名

畫樓曾作記

伊署有畫山樓

陋室不須銘一任松荒徑重移竹補

庭和光非混俗脫略慣忘形尙有醕堪啜應知醉勝醒

似聞評月旦未敢墜風流燕翼詒東海鳬飛入豫州中牟

尋治譜金谷訂交遊更有傳家集崆峒近可求

繆彤爲中牟令

已栽花滿縣未見樹成陰棄去輕如屣攜來剩有琴睽違
百里路辜負十年心麻紉興懷事茫茫後視今

笏庭登畫山樓有作疊韻奉酬卽以餞別

小園半畝未題名完美居然學衛荆差喜下官無近俗轉
因中隱有閒情春風送客遊梁苑夜雨懷人夢呂城陡覺
尊鱸鄉思起扁舟江上阻歸程

東閣開筵倒屣迎殷勤唱出渭城聲陌頭花好歸須緩樓
外山多畫不成彭澤且思陶靖節陸渾休說宋延清吳中
故舊如相問一曲伊流比宦情

師鄭銓部北行卽次集中用船山韻

四首錄二

催辦輕裝未可遲囊空添與送行詩久荒筆硯豪猶負粗

設杯盤醉勿辭劍賞匣中邀薛燭琴聽絃外索鍾期時艱
一樣傷懷抱漫向周京詠黍離

小築東林杳四隣叩門不阻看花人幽憂屈子歌山鬼曠
放莊生養谷神地僻偶欣樽有酒年飢稍幸甌無塵沙陽
拙宦閒居早物外悠游自樂貧

重到汴梁書感二首錄一

故山猿鶴定相譏豈爲無田便不歸拋卻一帆好秋色軟
紅塵又上征衣

幽居次左司韻

達人貴知命名利非所營淡泊本素志幽居無俗情園林
雨初霽池塘草又生良友日往來好鳥自飛鳴習靜且高
臥適閒還獨行玩彼得時物欣欣爭向榮

寫懷二首次少陵韻

盧扁不能醫厥病無過俗冠帶縛形骸禮法受拘束
怵怩欲何言趑趄難止足試將俗狀陳悲歌當痛哭
富貴草頭露人壽風中燭曷若十畝間無榮亦無辱
曉起視我瓶尙餘升斗粟學道辭伊川求仙訪鬼谷
桃花開未開芳草綠復綠逍遙夢蝶園樂遊匪我獨
知音琴可囊山水自成曲且偷一日閒足傲九州牧

小兒始扶牀見我不離膝偶欣分棗梨聊與娛
永日學語頗不凡驥子尙堪匹未知春放華可許秋收實
我年纔半百衰老漸成疾碌碌風塵中渺焉比蟣蝨
欲爲五嶽遊婚嫁何時畢人情日以詐結交比膠漆
吏議日以刻舞文畏刀筆世途本甚寬法網胡太密
脫身歸去來行李苦蕭瑟

回頭語小兒汝長須有術

送師鄭入都卽題眉韻樓集後

此詩與前兩律同時作

乾嘉才子眞名士首屈昭文孫太史

謂子瀟先生

髫時學詠窺

天真一瓣心香襲桑梓遺硯流傳過百年五葉文孫今繼

起玉堂嘖嘖溯家聲扶桑同族同鄉里改官恰喜留銓曹

藤廳風月清無比建邦分職尊天官司選司勳須佐理適

當改政令頒新變法自強拭目俟海國先教錄見聞四方

慎簡才能使治安三策籌萬全收效桑榆緩難恃積蠹叢

殘一炬燒近來快事無逾此送君赴闕傾一卮忽發狂談

掌頻抵大局已成累卵危衮衮依然肉食鄙神州陸沈將

奈何圖繪瓜分良有以夙欽嫉俗勵堅貞定卜持衡振委

靡孤飛鸞鳳異鷹鷂當道豺狼盛蛇豕審時度勢待迴天

嘗膽臥薪圖雪恥燕南趙北多英雄焚香告天願同矢滄
海橫流志未伸莫因成敗輕相訾往年曾作大梁遊結客
屢過朱亥市閉門種菜久偷閒蒿目時艱空撫髀慷慨悲
歌氣尙豪驥雖伏櫪心未已抱關不惜侯嬴老蹈海甘追
魯連死比隣獨拜瞿忠宣吾鄉人傑一人耳伊濱拙宦早
歸田達生妙契蒙莊旨不合時宜畏客來掃徑開軒延玉
趾遠大相期在此行道義論交勉終始日笑悠悠姑聽之
意彼斗筭何足齒大著新編眉韻樓五言排韻歎觀止已
看文苑播芳徽漫學經生鑽故紙振羽垂天指顧間擲地
金聲姑舍是願君更輯十三篇出奇制勝衍孫子江東鼎
足鬪劉曹掉臂登壇吾從爾

此詩係辛丑年作先生已逾
七旬厥後遂成永訣師鄭識

周 馥字玉山安徽建德人官至兵部尙書兩江總督
有玉山詩文集

有感錄二

溫公用人法先德而後才苟無忠實心多才爲禍胎當道
矯其弊反向愚陋推硜然守一節焉足談九垓天地不藏
寶斯世豈無才所貴眼力超白屋騰風雷徒阻志士心聲
續日淩顙感激欲上書掩涕復徘徊

帝王制禮樂聖人垂彝訓原爲禁民奸詎以覲非分後世
選舉窮開科試策問賢愚豈繇此聊使白衣奮乃致帖括
輩終身病摭擲非無賢達流榮身取聲聞十才淪其九識
者增悲憤西夷謀事精物理攷斤斤彼誇有用學視此爲
土糞

感憤首五

豈真氣數力難爲可歎人謀著著遲自古師和方克敵何堪病急始求醫西鄰漫恃和戎策東海甯逢洗辱時蠢爾島夷何負汝茫茫天道竟難知

敢道亡羊始補牢是誰升木自教獠九州鑄鐵無斯錯萬口爍金安所逃東國搢紳餘涕淚中原杼柚亦憂勞可憐老馬空皮骨輸輓從登九折高

十載經營瞥眼空敢言掣肘忽諸公重開堂構談何易未和陽春曲已終好固藩籬留北道深防雀鼠啟西戎賢

王遠略心如見雪涕陪陵墓木風

先是醇賢親王意欲大建海軍力圖自強不

願開覺列邦

懸軍深入海天孤棄險憑城更失圖千里士難遵帥令十

年彼已讀陰符市人驅戰同心少駢豎成功自古無歎息
國殤淪異域春來南畝半荒蕪

雪地冰天困短車匡牀清淚夢醒餘犯顏愧少誠相感効
死甯教憤一攄斬佞上方難請劍知兵黃石恨無書澄清
會見中興日可惜微臣鬢已疏

老驥詩

老驥在德不在力一生奔走困羈勒主人芻秣非不豐垂
首鹽車氣摧抑年來拂拭似有異爾驥有心豈能識嗚呼
主人已死槽櫪空驥亦瘦骨驚秋風失機往事何堪說汗
血微勞恥道功君不見當日同羣度絕漠半化蟲沙半猿
鶴帷蓋餘生幸已多敢言老死填溝壑

過膠州澳

朔風雨雪海天寒老眼滄桑不忍看諸國共稱周版籍斯
民猶重漢衣冠何人持算盤盤錯當局枯棋著著難挽日
回天寧有力可憐筋骨已衰殘

初到金陵逢元日迎春

元辰朝罷喜迎春又見江南景物新烽火十年銷劫地滄
桑卅載再來人天迴景運看旋斗老荷殊恩愧此身車水
馬龍誇後進濟時誰與共艱辛

廣州登舟偶成

日日思歸未有期今朝恰賦遂初詩張帆幸借西風力轉
棹猶嫌下水遲十載槐安醒後夢百年塵劫事前知餘生
歲月皆君賜好向湖山訪藥師

袁世凱字慰庭河南項城人官至外務部尙書軍機大

臣戊申冬間以足病歸田居於彰德時遊蘇門以吟嘯自遣詩稿一卷由周玉山年伯錄示

和王介艇中丞遊養壽園韻

乍賦歸來旬林棲舊雨存卅年醒塵夢半畝闢荒園鵬倦
青雲路魚浮綠水源漳垣猶覺淺何處問江村

憶庚子年故事

八方烽舉古來無穉子操刀建遠謨慚對齊疆披枳棘嘗
臨燕水補桑榆奔鯨風起驚魂夢歸馬雲屯感畫圖海不
揚波天地肅共瞻日月耀康衢

園成約諸友小飲

背郭園成別有天盤殮尊酒集羣賢移山繞岸遮苔徑汲
水盈池放釣船滿院蒔花媚風日十年樹木拂雲煙勸君

莫負春光好帶醉樓頭抱月眠

清明偕兄遊園

昆季偕遊養壽園清明雪盡草初蕃蒼松繞屋添春色綠柳垂池破浪痕畫舫疑通桃葉渡酒家仍在杏花村鶯訶燕語無心聽笑把壺觴對坐喧

和庸庵原韻

武衛同袍憶十年光陰變幻若雲煙敏中早已推留守彥博眞堪代鎮邊笑我驅車循覆轍願公決策著先鞭傳聞鳳閣方虛席那許西湖理釣船

北門鎖鑰寄良臣滄海無波萬國賓湘鄂山川謳未已幽燕壁壘喜從新鳴春一鶚方求侶點水羣蜂漫趁人旭日懸空光宇宙勸君且莫愛鱸莼

和張馨庵都轉韻

人生難得到仙洲
咫尺桃源任我求
白首論交思鮑叔
赤松未遇愧留侯
遠天風雨三春老
大地江河幾派流
日暮浮雲君莫問
願聞強飯似初不

雨後遊園

昨夜聽春雨披蓑踏翠苔
人來花已謝借問爲誰開

落花

落花窗外舞疑是雪飛時
剛欲呼童掃風來去不知

病足

采藥入名山愧予非健步
良醫不可求莫使庸夫誤

和子希景泉遊園聯句韻

曾來此地作勞人
四面林泉氣象新
牆外太行橫若障
門

前洄水喜爲鄰風煙萬里蒼茫繞波浪千層激盪頻寄語
長安諸舊侶素衣早浣帝京塵

劉含芳字薌林安徽貴池人官山東登萊青道 贈內

閣學士

日本兵破威海衛將逼煙台誓以死守口占一絕示

內子

威海已失之罟危手無重兵安能支丈夫效忠婦殉節他

日雙星照海湄

公治東海甚有政績岷庶至今謳歌弗諼甲午東氛惡時誓以死守夫人郝氏懿聲

流播能成公志此詩詞意樸質可以見其生平矣孫雄謹識

附錄劉公事實

此係周緝之京卿同年開示緝之名學熙劉公之快壻也

光緒二十年日兵破威海將逼煙台公誓以死守書此

詩貼於公案令箭之鏃夫人郝氏同守孤城願從地下

吏民咸爲感泣無何日兵忽退公捐貲遣散潰兵綏撫

商民地方賴以安堵旋告歸病歿光緒二十四年北洋

大臣據官紳籲請奏奉 諭旨照軍營立功例從優議卹追贈內閣學士並宣付國史館立傳光緒二十七年山東巡撫奏奉 諭旨准在煙台建立專祠嗣紳商呈請附祀郝大人至今民感其德不能忘焉

金武祥字湛生江蘇江陰人官廣東鹽運司運同有離

江游草及陶廬夢憶詩

芙蓉江上草堂詩三十餘卷尚未付刊有栗香五筆均論

道咸以來詩搜羅甚富宣統二年君年已七旬來遊京師余屢從文酒之讌揮毫聯句猶無倦容

梧州

行遍炎荒五嶺遙咽喉此地控蕃猺曾聞下瀨樓船壯誰

繼平蠻銅柱標井底冰心憑訪古

城東南冰井唐元結有銘

山頭劍氣

尙沖霄好從巨瀆江河外更溯牂柯水一條

九疑雲黯望模糊何處遺蹤訪有虞煙水茫茫山寂寂秋

風一夕過蒼梧

離江中秋

山水甲天下斯行亦壯游長途遍南徼佳節又中秋明月高難問滄波逝不留乘風欲歸去樂志幾時酬

昔轉西征餉飛行駕兩輪遙觀滄海日恰值歲朝春辛巳元日
立春時轉餉由輪船泛海物候懷前度風塵笑此身灘頭羨漁父終日
自垂綸

陽朔山

鴻濛肇造廓天宇蕩蕩中原闢堂廡龍沙馬塞游獵塲三
吳兩越圖書府却從嶺右築園囿化工位置自上古導源
不藉神禹鑿鍊石或煩女媧補雲霞燦爛列屏幃洞壑參
差紛牖戶形態各肖萬象包一一雕鐫運神斧居然山水
奇境開長使乾坤清氣聚繁華轉笑仙居俗金銀宮闕瓊
瑤圃南來我比驂鸞游窺園竟荷天公許何必局促名利
羈且自逍遙風月取李杜韓蘇昔未到偏讓後來快先睹
何當一峯題一詩墨花散作千峯雨

時久旱
望雨

商廷煥字明章漢軍正白旗人諸生有味靈華館詩

李

令思敬云余與劉君安科馮君端先後創立詩社君皆在席同社中如許君普濟馮君健薛君維均悉一時知名意興豪邁悲歌俯仰不可一世厥後劉許諸君多登臨仕惟君鬱鬱無所遇而爲詩益工又云同輩論詩多取沈博絕麗君獨謂詩與文異當以聲希味淡爲貴

令子衍瀛衍鑒並入詞館追蹤軼轍

禳白彗

有序

壬午

八月初每夜五鼓啟明星見露出白光一道長可二丈有奇末廣於本芒偏於南闌後二夜子細視之覺與竹彗帚星皆異殆卽天官書之白彗歟因爲詩以禳之

啟明見東方光燄數丈長玉帝垂白練不作竹帚芒衆星有常象變異原不祥我皇居法宮冲齡格穹蒼側看天示警澡浴尤修藏知有宋公對不事齊景禳在昔夷九種

中有高句麗苗裔本殷商尙白昭其儀傳國數千載重器
如鼎彝鬼神雖呵護天恩誠難知此星當其地況聞羽書
馳倭人肆蠶食琉球已流離尋釁徧東海朝鮮累卵危鳴
呼一禳白彗退再禳白彗垂惟願白彗化爲景星輝照耀
中國兼四夷

大雪日寄懷趙汝舟詞長

大雪偏無雪寒應在桂林早梅難驛寄舊雨隔雲深別後
休言酒閒來欲撫琴膠西帷遠下曾否憶同岑

城北晚眺

江畔城如斗危樓接遠方山林分夕照荷芰碎波光宅古
懷揚子臺荒弔越王遙知歸牧豎風入笛聲涼

恭讀告捷邸鈔詩以誌喜

冲齡踐阼頌 成王重譯朝天紀越裳臣列三千傳虎旅
國封八百賴鷹揚得人要可臻長治以律何須患否臧竟
有生成偏自外頻搗聲罪鼓堂堂

漢武匈奴窺紫塞明皇胡虜犯潼關都緣失策羣思逞不
比爲讎蠹爾蠻海島國多來互市水犀軍健敢登山歸田
宿將鷹 綸綽降得天驕荷 寵頌

新息平蠻定首功遙傳露布慰 宸衷驅驢地名因壘慶連
捷牧馬地名回軍罷遠攻但使七擒甘服我非貪五利始和

戎休兵共喜 君恩厚異類同歸 覆幬中

總說天威絕四夷豈知懷遠在招攜兩間並育虎狼獸九
有偏留生熟黎悔禍小邦槃敦整班師邊塞陣行齊武襄
先有崑崙奪三捷滇南復浙西越南宣光鎮海同時先後告捷

恩威兼盡戰功成長慶文淵

俱地名

拔漢旌有大眈堯終向

化緣羶慕舜竟歸誠軍行制器公輸巧戎狄驚傳小范名

安不忘危宜預計胥同文軌永昇平

友人以不赴秋闈見責詩以解之

不才甘負聖明時半畝荒園慰所思蟬噪風枝棲亦穩

雁穿雲葉去偏遲滿林花草無多豔四壁詩書有故知我

已名心付流水安排杯酒問東籬

擬子夜四時歌四首

郎去草萋萋今又生春草不怨郎歸遲但怨春歸早

涉江采蓮房擘房葯如雨不敢封寄郎恐知儂心苦

儂拜斗牛星雙星郎亦見但使兩心同那須常覲面

郎向天山行儂在深閨宿閨寒欲圍爐天山雪簇簇

姚福均字補籬江蘇常熟人諸生有補籬詩文稿

讀子七首

儒術窮戰國一墜竟至地黃老盛漢初蒸蒸文景治清淨
守無爲節目任疏闊雖有崇儒主屹立不能奪是實世運
然人動必思靜蒼生焦然餘以柔濟其猛長養不望報視
民皆嬰孩吾讀任德章博大真人哉

老子

木以材自寇膏以明自煎有用爲世用無用乃獨全雁以
不鳴殺瓠以廓落鑲無用爲世用有用乃獨完人生七尺
軀宏願參地天與其廊廟拙曷若山林賢隱逸非易爲經
濟亦圖艱吾其學莊叟材與不材間

莊子

七十六篇書理財是所長後來效法者劉晏桑宏羊孟子
黜管晏王道語辟疆乃其論時勢言引齊人詳此必管氏

語嘖嘖人口旁後人護孟子刪佚其篇章今所流傳本尹

注及劉績往往詮釋中金璧雜沙鑠

管子

主文而譎諫六義風之流詩亡王迹熄孔子作春秋是書
名與同諫則與詩近稷下雕龍輩此先弄脣吻餘緒在人
口居然積篇帙時與左傳符戰國人所述左傳多古字迄
今蕩然亡試以此書校尙比俗本強

晏子

後王卽先王性僞卽性善目光豆大人如蠶自縛繭文武
後堯舜此理本甚顯爲僞古今字加人義甚淺胡然同聲
譏一日吠衆犬苟卿骨已朽無口難分辨

荀子

天下猶一家中國猶一人民愁淒以秋民樂煖然春吾亦
血氣倫一視皆同仁患難在乎人飢渴同乎已事君如事
父愛亦從親始身存宋亦存繭足走千里

墨子

范當世字肯堂江蘇通州人諸生有范伯子詩集

東坡生日臨觴有感復和敬如

迢迢閱世徒增悲人欲不死將何爲假令髯翁到今在恐
其一日無伸眉翁年八百六十四飄忽人代成今時笙歌
讌笑極喪亂縱橫歷覽皆無之祇言新法亂人紀詎謂舊
學誅民彝公平來遊聽我告安石正論經天垂不佞天人
不法祖徹骨剖辨無瑕疵倘教歐馬數君者與共責難憂
來茲一君一相必有職千變萬變皆非奇當時堂堂宋天
子將與萬國爲軒義人言我窮爲公故寧知在政不在詩
天仙化人一方語今來竟作奸邪資誰能頑然守深黑無
與日月同奔馳舉觴爲公祝千歲憫念來日傷肝脾曾是
淵源一江水聊以弟子諍其師

感事依沈愛滄

瑜慶

所用丁字韻

不用文章付六丁
著書無地不飄零
殘花急雨重衾到破
葉驚風故紙聽新論
未能妨美睡舊儔何意惜微馨
茫洋黑海天難問
烟燦還如自照螢

欣父席上應諸公詠雪之屬用敬如韻

酒家高樓當大道
我友消寒命同好
捲幕驚看瑞雪飛
擎杯覓句求詩老
窮陰不散此何時
鏤肝刻腎真癡兒
羣公竊把玉龍戲
徒我寸鐵無教持
問天知否天無恙
羅賓不見公孫相
賸有平章詩事人
聳肩瑟縮江湖上
江濤入海必翻瀾
彌天作凍知應難
明日顛風激狂浪
愁君未忍憑高看
我欲結廬向幽境
有田論畝不論頃
紅雨春糟稻米肥
綠窗夜詠梅花靜
不然高語出塵埃
於今海上無蓬萊

瓊樓玉宇寒深矣何處乘風歸去來

消寒二集同人屬余先賦仍用敬如調而易其韻

世事於今更繁促甚則朝娛旰而哭三日之約胡迢遙眞
到樽前願已足開樽聽我消寒吟不論家國毋言心高車
大馬美衣食千年萬載爲荒淫洪生爾毋惜毛羽東門才
子安足數彼亦一是此一非總爲文章賤如土陳生萬里
天南行苗民拜舞山靈驚富媼之藏恣汝取髮白反黑黃
金成談忠談孝吾知妄泣血孤兒首無狀負米奔波尙有
辭當筵慷慨眞能忘昨聞羊酒會西鄰爆竹聲聲已換新
苦我消寒消不盡無從乞與別家春

蕭先生穆

桐城二老
詩之一

敬甫平生亦奇絕交遊百輩盡成塵自言老去奔波事賸

作天涯上塚人文字未能阿所好生涯猶覺不爲貧不知
君子東方國記否吾家有逸民

君嘗遊日本

言家駒字應千號禮叟江蘇常熟人諸生官直隸井陘
縣知縣有禮叟詩存

風鶴

風鶴遙傳警桃園盡避兵流離悲亂世困苦出危城花濺
傷時淚禽多恨別聲戰和猶未定何日樂昇平

王慶坻店題壁

行過長橋更短橋暮投野店拂征袍蘆花蓆破衾如鐵葦
子簾開風似刀數到禦寒惟有酒興來呵凍浪揮毫關山
難越尋常事凋盡朱顏是我曹

書生

書生白面豈知兵慷慨聊爲捧檄行奔命何堪疲子反捷
音徒自叩君平風簾燭遞淺深淚月地笳鳴斷續聲愧乏

才能佐康濟鴻磬滿耳總關情

咏唐史二首

竈上騷除事業新從知帝所卽仙宸佩刀芟艸煩三嗅舞
羽來庭格七旬孰向撐犁著誠款相呼朝定算情親不教
生聚河南地歎息當年尙有人

十洲澄鏡日瞳瞳福艾奇龐易奏功鶉火軍成天策候網
羅兆示畢星中肯先農事王丞相力濟艱難郭令公聞道
近求當務急和安斗柄識西東

官累

官累躊躇強自寬一家萍寄且團圞非關澤蠖忘伸屈豈
易冥鴻振羽翰問路多歧爲客怯買山無力得歸難分明
傲骨峻嶒甚典盡重裘漸覺寒

黃 璟字小宋廣東南海人官河南候補道有四百三

十二峰草堂詩

洛陽晤丁心孚都轉

秦隴秋風早天涯每憶君今朝重入洛十載尙從軍作客
驚虛日思親絕望雲可憐同失恃相對淚紛紛

陝州道中呈伊杏農觀察宋祝三軍門方慶甫司馬

紅葉西風驛路清曉裝恰趁雨初晴地分周召民懷德車
入嶠函路有聲策馬今將還井里聞鷄豈復爲功名丁卯
左李兩相國出關陽關莫道無知己樽酒殷勤不放行
璟皆從征過此

航海感賦 三首錄二

萍水飄流海一隅天邊新月照人孤依然星斗當頭轉最
是雲山過眼無風雨聯牀有兄弟波濤驚夢念妻孥非關

蠶老絲將吐顛倒柔腸似酒徒

雲天卽是海之涯海上何曾望眼賒人與蛟龍爭此道鳥
隨波浪若爲家雙輪水火機原活千里毫釐路不差致遠
從今多利器飛仙不數漢時槎

郭筠仙少宗伯出使英國同舟至上海招飲賦呈

修到同舟是幾生使星光映客星明 帝知忠信波能涉
天命蛟龍馴不驚蠻族喜瞻人第一 襜帷許醉月三更公
方矍鑠勞謙吉夷夏從今得令名

劉雲蓀京卿出使英國上海相見感舊有作

獨屈郎官久殷殷厖

聖衷

京卿蒙
辦事多年

皇太后召見問
何以尙在部曹

承

恩持使節破浪屬英雄題詠山川異懷柔夷夏通明年
春有腳天外迓東風

贈行九萬里憶別十餘年烽火南陽路京卿於辛酉督師南陽保其危城時
環亦從公防次波濤滬上船雪泥有鴻爪滄海已桑田舊事何堪
訴停杯月正圓

呈金逸亭觀察

威望能教賊膽寒倒懸圍解萬民安單于夜遁無煩矢壬戌
髮逆圍南陽觀察由楚來援新息功成遽解鞍十載披裘甘釣澤

九重頒詔慶彈冠屏藩百粵吾桑梓再造人歸訴舊歡

和李子虎廣文除夕書懷原韻

春色明朝何處尋言瞻紫氣自東臨老梅淡蕩高人格慈
竹平安愛日心珠海風光歸柳社香山聲價重雞林舊詩
祭罷新詩就椒酒頻斟夜已深

不醉長安傲巨卿長安人慕謫仙名遠方客子雙魚寄深

巷門庭一鶴迎君已多男防竈跨侯封萬戶較詩輕廣文
餞歲渾無事唱和惟聞擊鉢聲

恭讀 孝欽顯皇后遺詔紀哀 六首錄三

年來不少紀恩詩薄宦風塵感 主知臣老空勞憂國淚
皇仁逮痛陟遐悲普天抱恨 龍髯墜大統詒謀燕翼
垂爲問穹蒼胡不弔又催王母返瑤池

鳳輦前番出上林

鼎湖不返淚霑襟患銷肘腋宗祏奠

力轉乾坤殿陛深

同治初執河
回鑿卽垂簾

天步艱難從此始

聖躬

勞瘁到於今挽回幾度紅羊劫五十餘年慘澹心

此地

鑾輿曾駐蹕宏開

壽宇祝無疆何堪鳳舞鸞歌

地竟作猿啼鶴唳場心瘁撫棺鬱深痛

詔傳監國輔賢

王周公吐握安天下億萬斯年託蔭長

謝光綺字方山江蘇江陰人廩貢生官至廣西補用道

署桂平梧鹽法道

蓮士先生論之仲子因出嗣堂叔遂占籍大興有蓬吟集耐歲寒草

零陵至祁陽道中

湘江清見底盡日好風吹水派看三合

瀟湘沅

山形望九

疑小詩題石壁大字拓崖碑不分浯溪勝春陵獨有之

奉和張安圃觀察

人駿

題晚香圖元韻兼寄張丹叔

方伯

聯桂

蔡仲郊廉訪

希邠

方棣生觀察

長華

五峯便水元眞子早避君才出一頭報國夙知章疏疊除

官來看萬山稠榕溪陰覆人宜夏桂海香凝歲有秋料得

枕湖

離署樓名

作重九晚花相對說羈游

老鶴難忘萬里心亦曾磊砢目森森築亭敢作三休計泛

宅聊爲四可吟逐日客情山共邈諸公詩意水同深瀟湘

雨過篷窗靜恰對閒雲展曠襟

到皖 辛卯五月二十日

記別相思埭情和趁曉涼河聲連楚粵雨意注瀟湘敢學
孫登嘯甯爲阮籍狂昂頭憐蝨蝨奮臂怪螳螂經月拋池
館全家住嶺壩湖平波送影亭遠酒流香鄂渚三峯出匡
廬五老望生年殊躋蹬涉世任徜徉寺塔浮藍蔚巖泉汨
翠蒼文章爭石室圖畫讓山莊過眼雲千軸寫心詩一囊
宣城樓好在風景問陂塘

謁歸安中丞師

兩疏蒙餘論韓門我愧之懷恩民樹碣惜別吏陳詩象郡
留規措龍山仰設施升堂何所執一柱石嶽嵒

奉獻饒雲石

爲船西題湖樓雅集圖卽次李芋仙詩韻

十二年前重九集

圖作於庚辰

倚樓人在故相知

遵義趙篠容

模山

妙手猶傳技射石奇才不遇時豈逐銷金迷粉黛卻尋量

水淪槍旗湖心好景吾頻憶俊會何當訂後期

圖中八人

登迎江寺塔

同黃蔭南辛卯六月十三日

迎江躋寺塔放眼矚江隈賈有飛帆過軍無鬪艦來振風

鈴語靜

振風塔名

落日磬音催姑孰家山在遙思十詠才

客滬寄秦文伯廉使

煥

山陽

去皖後作

難忘蒼蒼八桂森鉢池人已入山深十年措置關成敗兩

字循良叶古今身退何論塗遠近名高甯與世浮沈雲霞

繫我慙鄉曲厯落還攜海上琴

將之廣州

次韻和金漣生運守

武祥

冰井寺之作

二首

刺史傳冰井蒼梧我昔遊寒泉疑似雪陽月爽如秋

甲申十月

YORK UNIVERSITY

MAY 15 2001

EAST ASIAN STUDIES

畫境隨心會詩材過眼收漫郎亭悵望片石渺難搜唐大厯中
元結撰冰泉銘有火山無
火冰井無冰之句今無之

之子同州里才應賦子虛漫因希古切遂使攝官疏雕鏤
巾箱版君刻書甚富消磨水竹居芙蓉江路靜何日就耕漁

